



服部文庫
417
2318





南

郭服夫子墓誌銘

於戲最歲何歲寶曆己卯

夏六月二十一日故處士

南郭服夫子卒壽七十七

門人下某月日葬于萬松

山中少林院袞哉其嗣名

雄者赴余且屬之誌銘曰

先人蒙公子虛左之遇久

矣今也就木焉而先人常

命孤曰吾圖之後事多矣

每臨筆硯有伯喈之慚一
介腐生至微至賤無咎無
譽固豈為世棄物吾沒之
日爾慎勿貽伊慚於人幸
有集之迨乎百歲而知者
知我於我足矣雖然豈使
彼墨如者為所不知何人
於孤意安而從之乎欲狀
之事先人為凡百行事
未嘗一言對妻子家人語

之自少而然往歲雄舉一
女先人曰先我之生若干
日家人始知生日九月念
四他豈得知而狀年唯其
先尾州津島七黨之一曾
祖父某徙越中高島父諱
元矩者又移京師山本氏
為母生于天和癸亥之歲
集而十四來于東都後三
年事柳澤居後十年致

為臣而退為雄也母者云
之孤不肖不肖所裁伏乞
公子遇吾先人有終為孤
圖之余慘然對之曰孝子
雄以吾德縣官肺腑之末
為制所拘不得負笈博下
幸時蒙眷顧之惠擁琴抱
趨詣音在耳何日忘之今
聞吾子言追憶高風夫子
誠其然乎夫子於經術述

而不論曰吾受業徒翁舍
曰所授則昔日所受也遵
奉唯謹或問之以當世之
事則曰晒曰縫掖之徒不知
事務沾沾對人以空談曰
喜何異寧人謀道吾不能
是所謂善易者不論易者
歟蓋其真所蘊終世雖從
遊者不能測之空妻子家
人昧其平日之狀也夫子

德業不可得也。梅餘不佞
豈敢置一辭乎。且夫子待
他大之言，以顯于後者哉。
物門之學風靡天下。夫子
與有之。造固無論矣。以余
視之，我邦自有斯文立言
之業，能執其左契，經緯橫
出，煥乎洋洋，具體而大，莫
盛於夫子。顧隆世氣運，所
釀天寶成之，以華大東百

世軌于斯文乎率土之濱
問南郭服夫子何為者雖
五尺之童答以天下文宗
口碑莫尚焉而吾子所屬
亦右不可以已者姑記與
吾子言者係之以銘可矣
雄唯唯夫子姓服郭氏諱
元喬字子遷南郭其號也
娶井出氏生三男五女今
唯三女存焉其所著作皆

行于世雄字仲英弱冠師
事夫子夫子晚配其季女
承後能傳家學文采頗有
夫子之風亦歡示余云銘
曰

鳳於飛羽毛異翔于德
亦至呵夫子秀而粹邈乎
古出其類若嶽之盛斯事
仰彌高功之次鳳兮章可
以比斯約者參天地

從四位下侍從源賴順撰
并書

24

一
一
一

一
一
一

一
一
一

25

